

Broj: 01-01.3-4846-15/19 MA

Datum: 28.01.2020. godine

Na osnovu čl. 70. stav (4) i 69. stav (3) Zakona o javnim nabavkama ("Službeni glasnik BiH", broj: 39/14), direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU o otkazivanju postupka javne nabavke

I

Otvoreni postupak za nabavku roba „Nabavka službenih vozila“, broj: 01-01.3-4846/19 MA, skupa sa Obavještenjem o nabavci, broj: 266-1-1-302-3-202/19 objavljenim na Portalu javnih nabavki dana 21.11.2019. godine, otkazuje se u skladu sa članom 69. stav (3) Zakona o javnim nabavkama (u daljem tekstu: Zakon), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (2) tačka b), 17. stav (1), 18. stav (1) i 19. stav (1) Zakona pokrenulo otvoreni postupak, broj: 01-01.3-4846/19 MA za nabavku roba: „Nabavka službenih vozila“. Na Portalu javnih nabavki objavljeno je Obavještenje o nabavci, broj: 266-1-1-302-3-202/19 dana 21.11.2019. godine. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 10.01.2020. godine u 10:30 sati u prostorijama JP Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19, Sarajevo, što je konstatovano u Zapisniku o otvaranju ponuda, u skladu sa Zakonom. Komisija je na javnom otvaranju ponuda konstatovala da je blagovremeno ponudu predao 1 (jedan) ponuđač.

Shodno članu 65. Zakona, komisija je sačinila i dostavila Zapisnik o pregledu i ocjeni ponuda, broj: 01-01.3-4846-10/19 MA od 13.01.2020. godine, te je donesena Odluka o izboru najpovoljnijeg ponuđača, broj: 01-01.3-4846-11/19 MA od 20.01.2020. godine, kojom se ugovor za nabavku roba: „Nabavka službenih vozila“ dodjeljuje ponuđaču GUMA M d.o.o. Mostar, koji je jedini dostavio ponudu, a ista je prihvatljiva.

Izabrani ponuđač je bio dužan prije zaključivanja ugovora, u roku od 5 (pet) dana od dana prijema Odluke o izboru najpovoljnijeg ponuđača, dostaviti originale ili ovjerene kopije dokumenata kojima dokazuje ispunjavanje uslova lične sposobnosti iz člana 45. Zakona, kao uslov za zaključenje



ugovora, što je izabrani ponuđač i učinio, dana 24.01.2020. godine, a o čemu je sačinjena Službena zabilješka, broj: 01-01.3-4846-14/19 MA od 24.01.2020. godine.

Međutim, istog dana kada je dostavljena i dokumentacija kojom se dokazuje ispunjavanje uslova iz člana 45. stav (1) tač. a) do d) Zakona, na protokol ugovornog organa zaprimljen je i akt izabranog ponuđača: Dostavljanje obavijesti o novonastaloj situaciji po pitanju tehničkih karakteristika vozila za postupak „Nabavka službenih vozila“, broj: 103-01/20 AK od 23.01.2020. godine. U prilogu navedenog akta izabrani ponuđač je dostavio:

- Obavijest o novonastaloj situaciji po pitanju tehničkih karakteristika vozila,
- Izmijenjenu tehničku specifikaciju za nabavku službenog motornog vozila,
- Katalog ponuđenog motornog vozila.

Navedenim dokumentima izabrani ponuđač obavještava ugovorni organ da je, prilikom pokušaja naručivanja vozila ponuđenih u izabranoj ponudi, od proizvođača došao do saznanja da zbog postroženih ekoloških normi WLTP-a sa EURO 6C na EURO 6D, više nije dostupno vozilo sa nominalnom oznakom 1.6 dCi nego verzija sa nominalnom oznakom 1.7 dCi, te da je shodno tome izabrani ponuđač u mogućnosti isporučiti vozila Renault Talisman 1.7 dCi i to na vlastitu štetu, s obzirom da se radi o autu sa najnovijim ekološkim tehnologijama koje je skuplje od verzije sa 1.6 motorom.

Nadalje, izabrani ponuđač obavještava ugovorni organ da vozilo koje može ponuditi i dalje ispunjava tehničke zahtjeve iz Tehničke specifikacije, te navodi karakteristike koje se mijenjaju u odnosu na ponuđene, odnosno konkretno:

- brend vozila: ponuđeni je Renault Talisman 1.6 dCi, a izabrani ponuđač može isporučiti Renault Talisman 1.7 dCi;
- zapremina motora ccm: traženo je minimalno 1590 ccm, ponuđeno je 1598 ccm, a izabrani ponuđač može isporučiti 1749 ccm;
- broj kW: traženo je minimalno 85 kW, ponuđeno je 96 kW, a izabrani ponuđač može isporučiti 88 kW.

Konačno, izabrani ponuđač navodi da je u momentu pripreme ponude bio u mogućnosti ponuditi vozilo Renault Talisman 1.6 dCi, ali da sada može ponuditi isključivo vozilo Renault Talisman 1.7 dCi, koje posjeduje sve tražene tehničke karakteristike, odnosno ispunjava minimalne zahtjeve koje je ugovorni organ postavio u Tehničkoj specifikaciji, te potvrđuje da ostaje pri svojoj ponudi po pitanju garancija.

Konstatacije izabranog ponuđača vidljive su iz dokumentacije dostavljene u prilogu navedenog akta, odnosno iz izmijenjene tehničke specifikacije, te kataloga vozila Renault Talisman.

Imajući u vidu navedenu situaciju, ugovorni organ je razmotrio činjenice sa kojima je upoznat navedenim aktom izabranog ponuđača, te ustanovio da izabrani ponuđač nije u mogućnosti zaključiti ugovor pod uslovima navedenim u ponudi koju je dostavio.

U takvom slučaju član 72. stav (3) tačka f) Zakona propisuje nuđenje ugovora ponuđaču čija je ponuda po rang-listi odmah nakon ponude najuspješnijeg ponuđača. Međutim, kako je u predmetnom postupku dostavljen samo jedna ponuda, i to ponuda izabranog ponuđača koji ne može zaključiti ugovor pod uslovima navedenim u ponudi koju je dostavio, ugovorni organ nije u mogućnosti da postupi u skladu sa citiranim članom Zakona, odnosno nije u mogućnosti da ponudi prijedlog ugovora drugorangiranom ponuđaču.

Shodno naprijed navedenom, ugovorni organ otkazuje otvoreni postupak za nabavku roba „Nabavka službenih vozila“, u skladu sa članom 69. stav (3) Zakona, zbog dokazanih razloga koji



12

su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Shodno navedenom odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se uputiti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Obavijest o novonastaloj situaciji po pitanju tehničkih karakteristika vozila,
- Izmijenjena tehnička specifikacija za nabavku službenog motornog vozila,
- Katalog ponuđenog motornog vozila.

**v.d. izvršni direktor
za opće, kadrovske i pravne poslove:**

.....
Adisa Kadić, dipl.pravnik

direktor:

.....
Adnan Terzić, dipl.ing.



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 338690229656422
Naknada za korištenje cestovnog zemljišta: 1610200062470135 i 3386902296564549
Registровано u Općinskom sudu u Mostaru, MBS 58-01-0179-10